

ՀԱՅԵՐԻ ԹԻԻԸ ՌՈՒՍԱՍՏԱՆՈՒՄ

Ռուսաստանում առաջին, զիտնականորէն կանոնաւոր, մի-
օրեայ ժողովրդագրութիւն կատարուեց միայն 1897 թուականի
յունուարի 28-ին: Այդ ժողովրդագրութեամբ դեռ չի որոշուած
ընակիչների բաժանումը ըստ դաւանութեան և ազգութեան,
հետեւեալար, ճիշտ վիճակագրական տեղեկութիւններ հայերիս
մասին գոյութիւն չունի: Այդ է պատճառը, որ «Кавказский
Календарь»-ը տարէյտարի անփոփոխ տպում է 1886 թուին
կազմուած ոչ-ճիշտ թուերը Կովկասի բնակիչների մասին՝ ըստ
կրօնի և ազգութեան բաժանման:

Այդ թուերին նայած 1886 թուականին հայ-լուսաւորչա-
կանների թիւը հետեւեալն էր.

Հիւս. Կովկասում . 31,707

Անդրկովկասում . 932,275

Ընդամենը . 963,982

Իսկ հայ-կաթոլիկների թիւը Անդրկովկասում—32,692:

Նոյն «Кавк. Кал.»-ում, նոյն 1886 թուականի տեղե-
կութիւնների վրայ հիմնուելով, բոլոր հայերի թիւը, առանց
բաժանելու դաւանութիւնների, ցոյց է տուած 970,656. մինչ-
դեռ գումարելով նոյն զրքում բերուած հէնց միայն լուսաւոր-
չական և կաթոլիկ հայերի թիւը, առանց բողոքականների,
գումարը պէտք է լինէր $963,982 + 32,692 = 996,674$: Իսկ եթէ
զրան աւելայնենք հայ-բողոքականների մատուցական թիւը *)
20 հազար—ակնյայտնի կը դառնայ, որ մեծ անճշտութիւններ
կան «Кавк. Календарь»-ի ցոյց տուած նաև սկզբնական
թուերի մէջ:

Վերի ասածներից պարզ է, որ նոյն իսկ 1886 թուականի

*) Շնորհակալ կը լինենք, եթէ մեր բողոքական եղբայրները հա-
ճէին մեզ տեղեկութիւն տալ այդ մասին:

տեղեկութիւնների հիման վրայ հայերի թիւը պէտք է լինէր $996,674 + 20,000$ (բողոք. հայեր) $= 1,016,674$ հոգի կամ կոլոր թուով $1,017,000$: Վիճակագրական գիտութիւնը պարզել է որ Ռուսաստանում ազգաբնակչութեան իսկական յաւելումը կամ աճողութիւնը հաւասար է $1,40/0$: Ուրեմն իւրաքանչիւր տարի եթէ հայերի յաւելումը լինէր $14,238$ հոգի, 1886 թուականից մինչև 1900 թ., այսինքն 14 տարուայ ընթացքում, պէտք է աւելանար $14,238 \times 14 = 199,332$: Աւելացնենք այդ թիւը վերի բերած մեր թուին՝ $1,017,000$ կը ստանանք կոլոր թուով $1,216,000$:

Այդ պէտք է լինի ամբողջ Կովկասի հայերի մօտաւոր թիւը, առանց դաւանանքի խտրութեան:

Այս տարուայ «Արարատի» մէջ տպուած է ներքին գործերի մինիստրին իւրաքանչիւր տարի էջմիածնի սինոդից ներկայացրուած տեղեկագրից մի քաղուածք, որից երեւում է որ 1900 թուականին էջմիածինը հաշուում էր ամբողջ Ռուսաստանում $1,131,474$ երկու սեռի հայ-լուսաւորչականներ: Եթէ այդ թուից հանենք Նոր-Նախիջևանի և Բեսարաբիայի թեմի $17,660$ հոգին և Աստրախանի թեմի $12,204$ հոգին (չը հաշուած Հիւս. Կովկասում—Ստաւրոպոլի, Թերեքի, Կուբանի և Դաղստանի չըջանների վիճակների մէջ հաշուած $26,797$ հ.), այսինքն Կովկասից դուրս գտնուած ընդամենը $29,864$ լուսաւորչական հայերին, պէտք է որ, ըստ էջմիածնի տեղեկութեան, ամբողջ Կովկասում միայն հայ-լուսաւորչականները 1900 թուին լինէին $1,131,474 - 29,864 = 1,101,610$ հոգի: Մինչդեռ եթէ յաւելումը հաշուէինք միմիայն լուսաւորչականների նկատմամբ, այն ժամանակ 1886 թուականի ցոյց տուած $963,982$ թիւը պիտի դառնար 1900 թուականին (յաւելումը 14 տարուայ ընթացքում $188,930$) $1,152,912$:

Ի հարկէ, այս բոլոր հաշիւները ենթադրական են և հետո ճշտութիւնից, սակայն, այնուամենայնիւ պարզ է, որ միայն հայ-լուսաւորչականների թիւը Կովկասում պէտք է $1,100$ հազարից մինչև $1,150$ հազար լինի. իսկ վերի հաշուցիցնք որ անխրտիր բոլոր հայերի թիւը Կովկասում պէտք է $1,216,000$ ի մօտ լինի:

Կովկասից դուրս, Ռուսաստանի միւս մասերում, հայ-լուսաւորչականների թիւը, ինչպէս տեսանք, էջմիածինը հաշուում է $29,964$: Այս առիթով աւելորդ չը լինի նկատել որ դեռ 1897 թ.-ին արժանահաւատ աղբիւրից ստացած տեղեկութիւններից ինձ յայտնի էր, որ միայն Բեսարաբիայի և Նոր-Նախիջևանի թեմում հայ-լուսաւորչականների թիւը համարեա այդքան էր՝

29,555: Դրան աւելացրէք Ղրիմի կաթոլիկ հայերին *) և դժուար չի լինի Ռուսաստանում, Կովկասից դուրս, հայերի թիւը 50 հազարից անց համարել:

Հետեւապէս, բոլոր հայերի թիւը ամբողջ Ռուսաստանում ենթադրաբար կարելի է ընդունել $1,216,000 + 50,000 = 1,266$ հազար:

Յամենայն դէպս, նոյն իսկ չը հաշուած Թիւրքիայից Կովկաս փախած հայերին, բոլոր հայերի թիւը ամբողջ Ռուսաստանում պէտք է որ առնուազը լինի 1,200,000 և, երեւի, չափազանցութիւն չի լինի ընդունել նաև 1,300 հազար:

Լ. ՍԱՐԳՍԵԱՆ

*) Կը խնդրէինք իմացողներից հաղորդել մեզ ճիշտ թուեր Ռուսաստանի հայ-կաթոլիկների մասին: